

〔帝王編年記文十三〕仁壽三年四月以後，疱瘡流行，人民疫死，故停賀茂祭。

〔文德實錄五〕仁壽三年五月庚子，詔十七箇寺讀大般若經，限三日訖，攘災疫也。壬寅亦詔太宰府於

觀音彌勒兩寺，并四王院、香椎廟，管內國分寺，讀大般若經。辛亥，詔美濃國出穀二千一百斛，給患疱

瘡者。七月丁未，遣散位從五位上全世王、神祇大副從五位上中臣朝臣逸志，散位從五位下齋部宿

禰伴主等，向伊勢太神宮奉幣禳災疹也。九月辛丑，詔太宰府出穀三萬八千七百餘石，賑給管內患

疱瘡者。

〔日本紀略醜一〕延喜十五年十月十六日癸卯，巳一點於紫宸殿大庭，建禮門、朱雀門等三所，有大祓事，

為除疱瘡，又依仁壽三年貞觀五年例也。又於仁壽殿，應請智德名僧廿口，有御讀經事，戊刻於建禮門

前，有鬼氣祭事，為除疱瘡，日來主上不豫，民間疱瘡轉發。廿六日癸丑，大赦天下，大辟以下悉赦除，犯

八虐云々，常赦所不免者，不在此限，又延喜十年以往，調庸未進，在民身者咸從原免，又復天下百姓當

年半條，是依疱瘡流行之愁也。

〔扶桑略記醜二十三〕延喜十五年秋月，天下疱瘡，都鄙老少無一免者。

〔日本紀略醜一〕延喜十六年正月一日丙辰，止朝賀，依去年疱瘡之災也。廿日，停內宴，依去年疱瘡也。

〔日本紀略三〕天曆元年六月，今月以後，疱瘡多發，人庶多殤，有童謠言。八月十四日乙未，日來朱雀

院中宮子○穩太政大臣平○忠左右大臣家，囑名僧，或令轉讀大般若經，或令演說仁王經，依疱瘡事也，是

日於建禮門前，修鬼氣祭。十五日丙申，為攘除疱瘡，於紫宸殿建禮門朱雀門三箇所，有大祓，去六月

間，年卅以下男女，煩小瘡，今月以後尤熾盛，其瘡為體，或如粟，或如豆，去延喜十五年有此瘡，世俗號曰

疱瘡云々。十七日戊戌，請內印，是可攘除疱瘡，諸社奉幣，讀經官符給五畿七道諸國也。天皇上皇朱○

共惱，疱瘡給。十九日庚子，賑給各白○各○恐米百斛，鹽卅籠於東西京，是依疱瘡及赤痢事也。九月

五日丙辰，大赦，依疱瘡祈也。七日戊午，囑名德僧百口於紫宸綾綺兩殿，限三箇日，令轉讀仁王經，依